



**Broj:** 08-02-07/2-11-2-211-8/22

**Dana:** 30.03.2022.godine

Na osnovu člana 20. stav (2) tačka n) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19 i 21/20), u vezi sa članom 72. stav (3) alineja d) Zakona o javnim nabavkama ("Službeni glasnik BiH", broj: 39/14), u postupku javne nabavke "Sukcesivna nabavka materijala za opravku i održavanje zgrada (elektro, vodo, bravarski, materijal za krečenje i ostali materijal)", ministar Ministarstva unutrašnjih poslova Zeničko-dobojskog kantona, d o n o s i:

### ODLUKU

o izboru drugorangiranog ponuđača "BRAĆA KARIĆ" d.o.o. Zenica, za "Sukcesivna nabavka materijala za opravku i održavanje zgrada (elektro, vodo, bravarski, materijal za krečenje i ostali materijal)

#### Član 1.

I Dodjeljuje se prijedlog ugovora drugorangiranom ponuđaču "BRAĆA KARIĆ" d.o.o. Zenica, u postupku javne nabavke "Sukcesivna nabavka materijala za opravku i održavanje zgrada (elektro, vodo, bravarski, materijal za krečenje i ostali materijal)", sa ponudom broj: 08-01-03/2-11-2-540/22 od 21.02.2022. godine i ponuđenom cijenom u iznosu od 16.243,00 KM bez PDV-a, u koju je uračunat popust ostvaren na e-Aukciji u iznosu od 0,21%.

#### Član 2.

II Poništava se u cjelosti Odluka ugovornog organa, broj: 08-02-07/2-11-2-211-5/22 od 03.03.2022. godine, u postupku javne nabavke pod nazivom "Sukcesivna nabavka materijala za opravku i održavanje zgrada (elektro, vodo, bravarski, materijal za krečenje i ostali materijal)", kojom je kao prvorangirani ponuđač odabran ponuđač "INTER-COM" d.o.o. Zenica.

#### Član 3.

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Za ispunjenje uslova iz člana 45. stav (1) tačka a) Zakona, a u vezi sa stavom (2) tačkom a) iste odredbe Zakona, ponuđač mora ispoštovati sljedeće:

Shodno mišljenju Suda BiH od 21.05.2019. godine, upućenog Agenciji za javne nabavke, u cilju urednosti ponuda, a prema članu 45. stav (1) tačka a), u vezi sa stavom (2) tačka a) istog člana Zakona, neophodno je da svaki kandidat/ponuđač kumulativno dostavi potvrdu Suda BiH i potvrdu suda prema sjedištu pravnog lica, odnosno kandidata/ponuđača, iz razloga što nije definisan Jedinstveni registar na nivou Bosne i Hercegovine, u koji bi se upisivale pravosnažne presude za osuđene za krivična djela organizovanog kriminala, korupcije, prevare i pranja novca. Stoga, obaveza je kandidata/ponuđača da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona, dostave uvjerenje Suda BiH i suda prema sjedištu pravnog lica, odnosno kandidata/ponuđača.

- 2 (dvije) obične kopije dostavljene dokumentacije iz stava II. - (Ukoliko ponuđač ne dostavi 2 kopije ponude, njegova ponuda se neće označiti neprihvatljivom).

#### Član 4.

Ova Odluka objaviće se na web stranici ugovornog organa ([www.mupzdk.gov.ba](http://www.mupzdk.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### Član 5.

Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-02-07/2-11-2-211/22 od 25.01.2022.godine.

Javna nabavka provedena je putem konkurentskog zahtjeva za dostavu ponuda.

Procijenjena vrijednost nabavke iznosila je 15.000,00 KM bez PDV-a.

Dodatno obavještenje o nabavci broj: 488-7-1-5-3-16/22, poslano je na objavu dana 28.01.2022.g. u 14,14 sati.

Komisija za javnu nabavku imenovana je Odlukom broj: 08-02-07/2-11-2-211-2/22 od 15.02.2022. godine.

Komisija za javnu nabavku sačinila je Zapisnik o prijemu ponuda broj: 08-02-07/2-11-2-211-3/22 od 21.02.2022.godine, Zapisnik sa otvaranja ponuda broj: 08-02-07/2-11-2-211-3/22 od 21.02.2022.godine i Zapisnik o pregledu i ocjeni ponuda broj: 08-02-07/2-11-2-211-4/22 od 25.02.2022.godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno sljedeće:

- da su se do roka određenog za dostavljanje ponuda, 3 (tri) ponuđača prijavila na predmetno javno nadmetanje, i to ponuđači: "INTER-COM" d.o.o. Zenica, "BRAĆA KARIĆ" d.o.o. Zenica, "PERO" d.o.o. Zenica, te da ponude svih ponuđača ispunjavaju sve zahtjeve ugovornog organa u formalno-pravnom, ekonomskom i tehničkom smislu, tj. da su iste za ugovorni organ prihvatljive.

Dana 24.02.2022.godine sa početkom u 9:20h, započeta je e-Aukcija između gore pomenutih, kvalifikovanih ponuđača.

Početna rang lista ponuđača koji su pozvani da učestvuju na e – Aukciji:

RB	Naziv ponuđača	Početna cijena u KM bez PDV-a	Rang
1.	"BRAĆA KARIĆ" d.o.o. Zenica	16.276,81	1
2.	"PERO" d.o.o. Zenica	22.883,23	2
3.	"INTER-COM" d.o.o. Zenica	30.158,62	3

Aukcija je okončana dana 24.02.2022.g. u 9:34h.

Konačna rang lista ponuđača koji su učestvovali na e-Aukciji, kako slijedi:

RB	Naziv ponuđača	Konačna cijena u KM bez PDV-a	Umanjenje cijene	Rang
1.	"INTER-COM" d.o.o. Zenica	16.220,00	46,22%	1
2.	"BRAĆA KARIĆ" d.o.o. Zenica	16.243,00	0,21%	2
3.	"PERO" d.o.o. Zenica	22.883,23	0%	3

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a	Popust	Početna cijena ponude bez PDV-a sa popustom (prije e-aukcije)	Konačna cijena ponude bez PDV-a sa popustom (nakon e-aukcije)	Rang
INTER-COM DOO ZENICA	30.158,62 KM	Ne	30.158,62 KM	16.220,00KM	1.
BRAĆA KARIĆ DOO ZENICA	16.276,81 KM	Ne	16.276,81 KM	16.243,00 KM	2.
PERO DOO ZENICA	22.883,23 KM	Ne	22.883,23 KM	22.883,23 KM	3.

U skladu sa navedenim ugovorni organ je donio Odluku broj: 08-02-07/2-11-2-211-5/22 od 03.03.2022.godine, kojom je kao najpovoljniji ponuđač u postupku "Sukcesivna nabavka materijala za opravku i održavanje zgrada (elektro, vodo, bravarski, materijal za krečenje i ostali materijal)", odabran ponuđač "INTER-COM" d.o.o. Zenica. Međutim, s obzirom da ponuđač "INTER-COM" d.o.o. Zenica nije dostavio garanciju za uredno izvršenje ugovora, kako je to ugovorni organ zahtijevao tenderskom dokumentacijom (tačka 29.), a da je dana 25.03.2022.godine dostavio obavijest da odustaje od ugovora, ugovorni organ u skladu sa članom 72. stav (3) alineja d) Zakona o javnim nabavkama ("Službeni glasnik BiH", broj: 39/14) ugovor dodjeljuje drugorangiranom ponuđaču "BRAĆA KARIĆ" d.o.o. Zenica, sa ponuđenom cijenom u iznosu od 16.243,00 KM bez PDV-a, u koju je uračunat popust ostvaren na e-Aukciji u iznosu od 0.21%.

#### PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 5 (pet) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

#### DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-





**Broj:** 08-02-07/2-11-2-211-9/22  
**Dana:** 30.03.2022.godine

**"BRAĆA KARIĆ" d.o.o. Zenica**  
**"PERO" d.o.o. Zenica**  
**"INTER-COM" d.o.o. Zenica**

Na osnovu člana 71. Zakona o javnim nabavkama ("Službeni glasnik BiH", br. 39/14), ministar Ministarstva unutrašnjih poslova Zeničko-dobojskog kantona, d o n o s i:

### OBAVJEŠTENJE

o izboru najpovoljnijeg ponuđača "BRAĆA KARIĆ" d.o.o. Zenica, za "Sukcesivna nabavka materijala za opravku i održavanje zgrada (elektro, vodo, bravarski, materijal za krečenje i ostali materijal)

Obavještavamo vas da je ovo Ministarstvo u postupku javne nabavke putem konkurentskog zahtjeva javne nabavke za "Sukcesivna nabavka materijala za opravku i održavanje zgrada (elektro, vodo, bravarski, materijal za krečenje i ostali materijal)", donijelo Odluku broj: 08-02-07/2-11-2-211-8/22 od 30.03.2022.godine, o izboru drugorangiranog ponuđača "BRAĆA KARIĆ" d.o.o. Zenica, sa ponudom broj: 08-01-03/2-11-2-540/22 od 21.02.2022.godine, i ponuđenom cijenom u iznosu od 16.243,00 KM bez PDV-a, u koju je uračunat popust ostvaren na e-Aukciji u iznosu od 0,21%.

S tim u vezi, uz ovo Obavještenje dostavljamo primjerak Odluke o izboru najpovoljnijeg ponuđača broj: 08-02-07/2-11-2-211-8/22 od 30.03.2022.godine.

### PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 5 (pet) dana po prijemu odluke o izboru najpovoljnijeg ponuđača. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

### DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

